

陽曲縣志

陽曲縣志序

昔孔子行求七十二國
之寶書以作春秋漢世
郡國圖志悉上太史司
馬遷因之以作史記劉

向略言地域張禹條記
風俗班固摭採以成漢
書然則志也者其史之
權輿乎後世爲史者徵
於國史則有實錄起居

注徵於家史則有志狀
碑版徵於野史則有稗
官襍記若夫郡縣之志
則兼是三者而有之興
革有紀科貢有表風土

有志人物有傳史之體
例固畧具矣綜天下之
志釐而合之而一代之
史不已犁然具乎雖然
亦何易言志也傳聞異

辭事跡舛漏則失之踈
囿於鄉愚諛聞淺識則
失之蔽愛憎出入賤目
貴耳則失之誣志之有
三失猶史之無三長也

史徵於志者也志弗良
而求史之良其將能乎
頃

天子命修明史令天下郡
國志書悉上史館余承

乏總裁問一寓目則見
踏駁蕪累者十書而七
其有良者則必其鄉之
聞人鉅公與夫有司之
賢而有文者爲之因以

考其時代辨其人材不
勝盛衰升降之感焉吾
晉於天下爲大藩陽曲
於晉爲首邑其物產之
浩穰山川之雄壯人文

之閔麗魁傑不可以莫
之志也舊志旣殘缺久
而弗修今戴君爲令能
勤其民考其土之風謠
物宜以周知利弊遂謀

諸邑士大夫勒爲新志
浹月而成請余爲之序
余雖未能見其書以戴
君之賢與晉陽之多材
其書之良必矣其可徵

於史也信矣異曰史成
而書晉陽之人與事獨
詳且核茲書之力也夫
茲書之力也夫書以俟
之

康熙壬戌孟冬望日

賜進士出身

經筵日講官

起居注翰林院掌院學士

兼禮部侍郎教習庶吉

士通議大夫濩澤陳廷

敬譔



陽曲縣志

陳序七

陽曲縣志序

壬戌夏五余視學山右
屬有司例以山川城郭
之圖及田賦風俗學校
藝文人物之志進始而

讀三晉通志見其文約
其旨遠未嘗不鞣然而
喜曰典而該繼而讀并
州郡志考其事則富而
不誣味其言則詳而不

穢未嘗不欣然而嘆曰
靡而實終而讀陽直邑
志自有明神宗以前東
牟梁君整齊故事網羅
舊聞其間疆域之興廢

戶口之盛衰以及士習
民風屯田馬政忠孝節
義之氣衣冠文物之遺
無不秩然畢具自是以
後世遠代更文獻云没

掌故無存八十年來上
而

朝廷則壤之制莫稽下而
里巷淳澆之化莫問大
而綱常名教莫紀其人

之姓氏小而食息起居
莫辨其俗之好惡一切
流風善政鉅典鴻模風
霜兵火湮沒磨滅散棄
於山崖墟莽之間曾無

一人收拾此乃有識者
之所歎愍士君子之所
嗟痛也嗟乎數典而忘
其祖籍談貽譏倘終欲
保殘守缺則是田賦墳

壤之宜不傳於禹貢山
藪男女之利不載於周
官也邑令戴君悼焉力
志纂修集諸學博弟子
員而參考之由夏而秋

至嘉平告成請序于余
夫一行作吏而畱心紀
載亦戛戛乎難之今日
者戎馬粗安哀鴻甫集
瘡痍未起徬徨撫字之

無期流離載道紛紜救
荒之無策方且敲朴誼
囂犯其慮牒訴控僇裝
其懷亦孰肯婆娑乎名
山之業從容乎翰墨之

場也哉戴君可謂賢矣
昔吳札聞唐詩蟋蟀山
樞葛生之歌謂其民有
先王遺教則邑志一修
由此君子深思小人節

儉安知非陶唐氏之遺
民乎故地域畧見劉向
之學問風俗條見張禹
之經綸班椽紀五方欲
人施省方之政紫陽修

紀乘欲人得設教之宜
如異日太史采風至鴈
丘狼調之境視河汾鹽
鐵之饒思奢儉之中念
死生之慮宣

上德而達下情不獨陽曲
爲太原之冠太原爲全
晉之冠亦且度地居民
分猷佐理爲
聖天子陳詩納賈之一助

時

康熙二十有一年歲次

壬戌嘉平上浣

賜進士出身通議大夫山

西等處提刑按察使司

提督學政副使加二級


前湖廣布政使司分守

荆南道叅議充戊午武

闈鄉試正主考四川分

守川北道四川道監察

御史關西楊素蘊撰



陽曲縣志

楊序

九

陽曲縣志序

聞之志一史也自周禮建史官而志之文以出歷稽往牒天子有國史侯國有外史今之志卽古之史也若省若郡各有紀載非侯國外史之遺

乎至邑之有志亦猶夫外史之意也故凡爲邑志者必著方域詳物產悉風俗紀人物書宦蹟錄節孝所以備叅稽垂法戒也無志是無邑矣苟無邑亦烏用是令爲余自丙

辰冬謁選爲令得晉之陽直
蓋山右第一邑也念於邑志
未睹無以勤叅稽凜法戒者
或曰是豈文獻不足之國也
邪迨莅任受事詢所以志陽
直者則已多殘缺矣訪之邑

人僉曰是志也故明萬曆間
東牟梁侯爲之於今幾八十
載雖闕畧有間然不至淪爲
烏有者晉猶知重史也余聞
之憮然曰晉猶知重史哉當
今

聖天子崇尚文治徵天下郡邑
志上之史局命儒臣纂修聿
成一統之盛陽直三晉首邑
徵文考獻者先焉而志之闕
畧如是寧非守土者責邪迺
於今歲壬戌謀諸兩庠學博

諸君集邑之薦紳衿士共議
編輯而纂修之志遂決用是
訪求博聞強識之士佐學博
諸君以效其採輯編摩之力
余因得而叙次論列之昉於
季夏竣以季冬凡七閱月而

告成功焉余思晉陽自叔虞
肇封歷代傳爲名鎮山水之
靈異疆域之遼濶視隘陋囂
塵不埒也古昔賢哲其躅也
彪然其立也芸然視晨星落
落不埒也士醮於鄉掄於廷

接踵比肩爲黃鐘爲大呂視
箏鳴缶韻不埒也文章之搴
芳擷采倒海排山發於至性
根乎理道視無根核之言不
埒也且余待罪垂六載士俗
民情知之頗悉敦朴務實崇

儉力農視夸詐浮誕之習不
埒也以是域而泯然無紀非
地負人人負地矣竊史之義
以構志之文余或者可以追
厥責乎况諸君子匠心竭才
而出之其稽考則杜預之武

庫也其敷藻則左思之兩都
也其論斷則孫盛之陽秋也
余雖叙次論列其能忘諸君
子之苦心哉茲役也余始終
身任其事不敢以錙銖煩邑
人非矯也聊以盡守土者之

職云爾客曰吾子勞心竭力
以興廢補缺其賢矣哉夫賢
則何敢當也第以余之謏劣
得惠徼諸君子俾陽直有志
倘列外史以佐國史令異日
無文獻不足之嘆則幸矣夫

賢則何敢當也

康熙二十一年歲在壬戌二
之曰

文林郎知陽曲縣事加三級

仙華戴夢熊撰



重修陽曲縣志序

春秋史之祖也粵稽尼山素王以筆削
代賞罰一字之褒榮於華袞一字之貶
嚴於斧鉞後之作史者折衷焉余家傳
春秋之學者四世矣宣聖傳心要典祖
若父口而授之余不佞童而習之讀康
侯傳蓋已明乎史之義矣比余秉鐸陽

陽曲縣志

李序

一

直官號外史史固吾學亦吾職也壬子
歲

天子允宰輔吾邑衛文清公請令各直省
纂脩通志以備史局採輯余以廣文微
員奉 學憲檄承乏茲役因得取各郡
邑志寓目焉首閱陽直志則已缺而未
備矣夫吾晉於天下稱文獻邦陽直於

吾晉稱首邑八十季來令斯土者豈繫
無人卒未有起而議纂修者余於是不
覺輟筆而三歎也丙辰冬十有二月寶
婺

戴汝兆父母奉

命為是邑侯至則求所為志陽曲者而閱
之則又不勝咨嗟嘆息於文獻之不足

陽曲縣志

李序

二

徵也政餘共余商確慨然以纂修之責
為已任因命余採輯其闕畧編摩其梗
槩時余以通志之役數載弗獲報竣
巡未敢承命今年夏通志告成余已量
移郡庠侯復命余同錄一劉君子文張
君炳若文君集士之博聞強記者共效
其採輯編摩之力而余弟仙萼亦得與

於茲役蓋弟亦業春秋者明乎史之義也嗚呼言史於三代以後難矣索米遺譏穢史致慨無論已記煩志寡遷固已不能無議况其下此者邪且夫以國史之重詔修之嚴而秉公論鑒特識者猶不可多得矧郡邑之志主脩者守令分修者學士大夫其能直書不諱如古董

狐輩者幾人哉宜陽直之志遲之八十季而未修也今戴侯決意脩廢補缺余得藉手侯之力日從劉張諸君子後發篋載筆侯復以簿書之暇親為考訂或論定其可否或敘次其本末分別條目因舊志者五六出獨見者四五閱七月而是書告成侯之力也獨念余一氎晉

陽前後一十六載始從事於通志者已
歷九季今復為此役俾家學春秋得稍
稍自見於當世余雖不敏其藉侯而傳
也哉敬序簡端敢拜明府之賜

皆


康熙二十有一年歲次壬戌季冬望日
太原府儒學教授曲沃李方綦頓首

陽曲縣志

李序

四

拜
誤



重修陽曲縣志序

蘇子由曰域中有三权曰天曰君曰史官蓋史也者垂法戒於萬世所以勲天与君之权之所不及也國者史者郡縣有志以詳而史是則志又為史官之所資以成一代之憲

陽曲縣志

張叙

典者也僊義

我朝廣征陽邑六年余與之朝夕相從討論時事必稱先朝古凡理煩治刻者不循於次第能神一日詢及是志不禁慨曰三晉之文獻是余之責也夫余

蓄心者久之多事，每事未能也。今
天下富如

聖天子修文舉，不存是志，曷以賢
國史則志之所係，非淺鮮也。余因是
欣然曰：志之賢於

朝也。大矣。於於是。是之昭考，亮垂

陽曲縣志

張叙

二

法或不來，茲為功於天下。後世
考一而一人一事之烈也。弘治今日
者，市廛之代曰橫索，絕去必志
其何以絕，在官之代曰積聚，清去
必志其何以清，輸將之代曰差以耗
除矣，必志其何以除，壽膺之代曰

贖鍰捐矣必志其何以捐都山之
代曰田疇墾矣必志其何以墾
墾之代曰出納允矣必志其何以
衣對之代曰宮墻新矣必志其何
以新之城郭宏矣必志其損益以
土形產方物所資使後之人尚舉

瞻然不勞而理則志、為功於天下
後世豈一而一人一舉之烈也况志
之又資於史也如是乃集博通文
學之士纂輯其書閏七月初告成
奏命余叙曉諭之人叙之詳矣於又
公卿大夫賢人君子名彙、焉用

是余叙此余謫得身耳尚且見
唐之所以大過人者即在於斯志以
之即於斯志見之也矣

太原府儒學訓導柯城張育質撰



姓氏

編次

陽曲縣知縣

戴夢熊
兆汝
浙江浦江人
監

纂輯

太原府儒學教授

李方蓁
葉仙
平陽曲沃人
丁酉舉人

太原府儒學訓導

張爾質
文子
澤州陽城人
廩

陽曲縣儒學教諭

劉中式
一錄
大同蔚州人
辛卯舉人

陽曲縣儒學訓導

文耀斗
炳若
平陽安邑人
廩

陽曲縣生員

李丕承
子克
本縣人
廩生

陽曲縣志

首卷

姓氏

一

曲沃縣生員

李方芄
仙
平陽曲沃人
廩生

叅訂

絳州儒學學正

樊載素
位思
本縣人
庚子舉人

澤州儒學學正

崔秉鉞
德威
本縣人
丙午舉人

洪洞縣儒學訓導

蘇廣生
易公
本縣人
拔貢

舉人候選知縣

賈光華
凝之
本縣人
丁酉

陽曲縣生員

呂鵬
雲逸
本縣人
增生

曲沃縣生員

李方菴
仙
平陽曲沃人
附生

校正

舉人

潘正誼

漢卿

本縣人

丁酉

舉人

范蘭

九碗

本縣人

乙卯

舉人

柯榮庚

本縣人

辛酉

歲貢

李梅

若檀

本縣人

甲寅

府學生員

裴衍

宗子

本縣人

廩生

府學生員

田榮

仁公

本縣人

廩生

府學生員

高曇

赤霞

本縣人

廩生

府學生員

侯維城

宗子

本縣人

廩生

府學生員

張垣星

元樞

本縣人

廩生

陽曲縣志

首卷

姓氏

二

府學生員

孫蘭

本縣人

增生

縣學生員

侯敏修

孔皇

本縣人

廩生

縣學生員

安紹堯

帝臣

本縣人

廩生

縣學生員

徐振基

建勳

本縣人

副榜

縣學生員

陳燮

孔瞻

本縣人

增生

縣學生員

曾鼎臣

變甫

本縣人

附生

縣學生員

李正春

年遠

本縣人

廩生

縣學生員

柯長庚

瑞星

本縣人

增生

縣學生員

李宜春

亦遠

本縣人

增生

縣學生員

周純德

本縣人廩生

縣學生員

張介

如九

本縣人廩生

縣學生員

樊端

本縣人廩生

縣學生員

聶啟祚

本縣人廩生

縣學生員

周儒

懷珍

本縣人副榜

縣學生員

鍾傅

本縣人廩生

縣學生員

常寅

子畏

本縣人廩生

縣學生員

甯智

若愚

本縣人廩生

寫圖

陽曲縣志

首卷

姓氏

三

曲沃縣生員

趙

明

紫顯

平陽曲沃人廩生

司局

陽曲縣縣丞

喬恭巳

舜如

順天大興人官生

督刊

陽曲縣典史

吳萬選

順天真定人吏員

九例 一十八則

一編輯以舊志爲因以詳考諸書咨詢父老歷年經見爲刪補以古今時勢異同爲參酌辭寧拙不敢浮華取寧嚴不敢汎濫

一邑志與通志府志不同通志志一省府志志一郡宜於簡約否則卷帙太繁失之濫矣若邑志僅志一邑寸長微善皆當詳載所以勸興後人亦以備異日修郡國志者採擇

一古今人物名宦及詩文俱直書名姓臨文不諱

陽曲縣志

首卷

九例

四

度幾一見瞭然

一一邑雖屬彈丸其間察天時審地理協人事原與郡國無異舊志附分野於方輿天文之理闕矣今別爲一卷列諸簡端蓋示人以奉若天道云

一災異舊載襍述志中不欲以咎徵列篇首也但災異實與天道相關抑之於後無乃使人忽天變乎茲特附諸天文末而祥異並書覽休咎之故庶動人以恐懼修省之思焉

一祠祀關係 國典舊志附入建置內今別其篇

曰祀典志度於典禮不乖

一學校武備兩者缺一不可舊本武備有志學校志似不可無今特詳補之以見文事開治武功定亂之爲交重

一武以云備非一端也茲移堡寨舖舍於卷內並教場軍器驛站增入乃無戾乎武備之義

一政令者致治之具也良法美意前人創之後人師之烏可以不志舊史缺如奚以風良吏勸後來乎今倣蔚志補之取其關於世道人心教化風俗

陽曲縣志

首卷

九例

五

者錄入焉

一巡檢驛丞亦吏茲邑者舊本不載未免遺畧之憾茲特稽考補入可無嘆官職之闕矣

一宦蹟以彰功德古人甘棠猶思之况行實乎舊志有其目無其文大爲闕典茲用博採旁搜取其可法可傳者紀之不敢涉於諛也

一選舉人物志其人必列其地所云并州晉陽太原其名不一大都從歷代所稱有異名無異地也卽云衛所者皆明初從藩封來以長子孫於斯踰

三百年猶之乎邑人焉耳

一孝義有一行可取者雖微必錄取其激勵人心亦論人於三代之後云爾

一列女惟 奏聞旌獎者始錄例也甲申以來類多貞烈欲一一 題請嗚呼難矣茲據士民公舉及聞見最眞者表揚之亦足以維世道而風將來一方技雖賤亦邑人也舊本置之襍志非其類矣今附諸人物集僑寓之後仍不失抑末業之微意云

一寺觀附祀典後仙釋列人物末以示斥異端之意

一詩文出自晉人當紀錄亦有非晉人而吟晉景物說晉事故有關郡邑山川者亦收之如事係一人一家之詞雖出自名筆槩不敢錄

一帝后封建皆關天下國家非一邑一郡之所得而私焉者但建都竊據皆在此地又不容不志故於襍述志列之至於叢紀亦附襍述芻蕘工瞽之不遺其以是備輶軒氏之採乎

目錄

圖考 首卷

參宿圖

疆域圖

城池圖

縣治圖

文廟圖

八景圖

天文志 卷之一

星野

躔度

麗屬

占候

祥異

方輿志 卷之二

沿革

疆域

形勝

山川

陽曲縣志

首卷 目錄

七

古蹟 附八景

陵墓

園亭 附閣樓

方產

風俗

建置志 卷之三

城池

公署

坊表

郵典

街巷

邨落

都里

鄉保

市鎮

橋梁

河渠

貢賦志 卷之四

戶口

丁徭

田賦 附優免

運支

鹽法

商稅

班匠

積貯

祀典志 卷之五

禮祀
祠堂
廟宇
寺觀

學校志 卷之六

學宮
祭器
書籍
臥碑

學政
鄉飲
鄉射
義學

作養
學田

政令志 卷之七

鄉約
申詳

武備志 卷之八

陽曲縣志
首卷 目錄
八

教場
軍器
關隘
舖舍

堡寨
屯田
驛站

官秩志 卷之九

知縣
縣丞
主簿
典史

教諭
訓導
巡檢
驛丞

名宦志 卷之十

宦蹟

選舉志 卷之十一

進士
舉人
薦辟
恩拔 附

歲貢

例貢監

武進士

武舉

吏才

附國初
從王

貶封

恩蔭

人物志

卷之十二

人物

孝友

節義

義行

列女

隱逸

僑寓

方技

仙釋

襍述志

卷之十三

帝后

封建

叢紀

藝文志

卷之十四

陽曲縣志

首卷
目錄

九

奏疏

詩歌

辭賦

碑記

列傳

序跋

雜著

舊叙

其一

御史 李光輝 邑人

中燕秦以上游天下者晉中晉以郡因以邑者太原之陽曲則是不腆陽曲爲冠冕於海內邑也臨汾阻山之勝陶唐氏深思節儉之舊俗而磊砢英多之人物諸宜有乘載列在職方副之官府以明晉重且以觀天下顧遡自開國迄今書闕有間采風者疑焉今上三十五年東牟梁侯以進士高第來爲令政成教洽百廢具舉則求問掌故而嘆曰

陽曲縣志

首卷

舊序

十

不可當吾世文獻不足使天下有以窺吾晉於是以其間披方圖發陳牒延耆生相與講於纂修之事且徵信不佞俾訂定焉志成合凡若干卷命不佞序之余惟史功最地理爲冗錯不易采治以余邑乘載之闕有間俛而問纂修諸所散之方域家言爲吾志考信者輯而虞其寡也諸所散之非方函或存一事難竟之冊僅舉單文而斯編括搜靡漏參核必精詳不穢簡不瘠體例備焉條貫晰焉

令夫後之吏於斯生且長於斯者覽所爲臨汾阻
山者而慨然求所爲故墟遺民深思節儉磊砢英
多者而茫然退而問掌故而斯編之中歎爲列代
爲次者井然辨秩然具也可以考俗可以佐政可
以博聞而尙友斯亦余邑之鉅典鴻製而晉所由
不失重於天下者哉蓋余聞之晉故晉之司典者
伯鷹曰籍氏及辛有之二子董之爰有董史籍氏
之裔孫談數典而忘之爲譏而御史於古稱柱下
實掌圖籍方書余從晉之司典者後而復承乏是

官夫重晉以爲觀於天下侯實重之余不佞第籍
手於侯以幸逭籍氏之譏而已矣

其二

按察使

李維禎

京山人

劉子洵論史之流別有十曰偏記曰小錄曰逸事
曰瑣言曰郡書曰家史曰別傳曰襍記曰地里書
曰都邑簿然其可採者殊鮮而今之爲郡邑志者
於其體或得十半至於都會之邑有王國及諸臺
藩臬大吏治所則十體無所不具非有良史才孰
能任之山西藩治陽曲而縣二百年無志日者諸

臺修山西志謬以屬余檄諸郡邑名爲其志而郡
丞越人董瑞翔攝行縣事草創之會擢守柳州去
萊人梁奠宸來爲邑令自親其文業始竟夫謂志
出於史則可謂以志爲史則不可時異勢殊體式
不同權非袞鉞職存掌故司馬子長所謂整齊故
事云耳然而書事記言當時之簡資乎博聞實錄
勒成刪定後來之筆貴乎雋識通才故曰文士多
而史才少賦兩都詩八咏兼能成漢宋書者幾何
人哉是志也兩君以文人代史局鑒裁弘遠知識

周悉按據明審言精練而事該密其於揚挖人物
不棄沉寔不徇貴倨動遵繩墨理絕河漢令人坐
戶庭披囊篋而千載瞭然在目蓋苟悅于寶並以
五志爲要志度幾無憾不翅兼子泫十體而已余
嘉兩君速告成事而愧狗馬病汗青無期輒爲之
序以示距躍三百曲踊三百之意焉

陽曲縣志首卷

圖考

戴夢熊曰昔周官詔觀事則有志詔地事則有圖志之有圖信經野之先資哉夫天下雖大亦安能盡人而章步之然使邦國都鄙茫然莫辨職方之掌謂何余嘗繙閱宋史司馬溫公之禦夏人也將棄河湟以問諸成都守孫路路挾地圖示光曰熙之北已接夏境若捐以予敵一道危矣光愕然曰微君言幾誤國事夫以司馬大賢而不閱地圖幾至冒昧從事然則圖之所繫顧不大耶況陽直爲山右首邑疆域有界城池有規廟廡有制山川有形繪之篇首度幾一展卷而卽瞭然平志圖考

參宿圖

疆域圖


城池圖

縣治圖

文廟圖

八景圖


城池圖



陽曲縣志

首卷 圖考







陽曲縣志

首卷 圖考

十六

縣治圖






學宮圖

陽曲縣志

首卷

圖考







陽曲縣志

首卷 圖考

十八








峒峯紅棗



土堂榭



烈石寒泉




陽曲縣志

首卷
圖考

二十二





陽曲縣志

首卷 圖考

二十三







陽曲縣志

首卷
圖考

二十五





陽曲縣志

首卷
圖考

二十六

